

NOFOA'IGA TOLUSEFULU FONOFAITULAFONO A AMERIKA SAMOA

FONO TELE LONA TOLU

Nofoia ma usuia i Fagatogo, Tutuila, Amerika Samoa
Aso Gafua, aso sefulufa o Ianuari
lua afe ma le valu

O SE TULAFONO E FAASOA ATU AI TUPE E MAUA MAI LE TULUI O TUPE FAAMEAALOF A LE VAEGA O LAUFANUA MA ATINA'E A LE KOLISI (LAND GRANT) E FAATAU AI MA FA'AGAOIOIA SE SOOTAGA TAU KOMIPIUTA A LE KOLISI (ASCC), MA AIAIA AI SE ASO VAVE E TAUALOA AI.

Faatomuaga:

O lenei Tulafono e taualoa lava i le taimi e pasia ai e le Fono ma fa'amaonia e le Kovana ona o le mana'oga vave ina ia faatupe le faatauina ma le faagaoioia o le sootaga tau komipiuta a le Kolisi (ASCC), o se kolisi tau Laufanua ma Atina'e, ina ia mafai ai e le Kolisi ona avatua auaunaga taua mo galuega a le Vaega o Laufanua ma Atina'e, (o se kolisi mo Laufanua ma Atina'e), o le mamalu lautele e manuia mai le kolisi lea, tamaiti a'oga a le Land Grant, o le vasega o faia'oga ma le pulega o lea lava vaega o le kolisi.

IA FA'ATULAFONOINA E LE FONOFAITULAFONO A AMERIKA SAMOA:

Maga 1. Fa'atagaina o le fa'aaoga o tupe.

Ina ia tusa ai ma le 16.2011 TTAS, ua fa'atagaina nei le Kolisi (ASCC) i le vaaiga a lona Peresetene ma le Komiti Faafoe o A'oga Mauululuga, ina ia toina mai le \$500,000 mai totonu o le tupe tului na maua mai le teuina o Tupe Faameaalofa a le Vaega o Laufanua ma Atina'e a le Kolisi mo le faamoemoe tasi lava e faatau ai ma fa'agaoioia se so'otaga o komipiuta e faaaoga i galuega o aso ta'itasi e aofia ai, ae le gata ai ina ia: (1) tausia lelei ai ma vaai tala fa'amaumau o tamaiti a'oga, (2) fa'aleleia ai gaoioiga tau komipiuta a le kolisi mo Laufanua ma Atina'e, (3) fa'aleleia feso'ota'iga a lea lava kolisi, (4) si'itia o le tulaga aoao mo fa'amatalaga tau komipiuta a le kolisi ma lona (5) isi mea lelei e maua e le Kolisi e ala i le fa'agaoioia o le so'otaga lea tau komipiuta.


O ni tupe e totoe ma leai se mea ua fuafua e fa'aaoga i ai pe a mae'a le fa'atauga ma le fa'apipi'iina/fa'agaoioia o komipiuta nei o le a toe fa'afo'i lava i totonu o teugatupe ia na aumaia ai.


Maga 2. Fa'asoaina o tupe.


Ina ia tusa ai ma le 16.2011 TTAS, ua fa'asoa atu nei le aofa'iga e \$500,000.00 mai le tupe tului o le teugatupe o tupe fa'ameaalofa a le Kolisi (ASCC Land Grant) mo le fa'atauina ma le fa'agaoioia o le so'otaga o komipiuta e fa'aaoga i porokalama o aso ta'itasi a le Vaega o Laufanua ma Atina'e ma le Kolisi (ASCC). O komipiuta ia o le a fa'aaoga e aofia ai, ae le gata ai foi: (1) mo le tausia ma vaaia lelei o fa'amaumauga o tamaiti a'oga a le kolisi, (2) fa'aleleia ai gaoioiga tau komipiuta a le Kolisi, (3) fa'aleleia feso'otaiga a le Kolisi, (4) si'itia le tulaga a'oa'o o fa'amatalaga tau komipiuta a le kolisi, ma lona (5) isi mea lelei e mafai ona maua ai e le kolisi e ala i le fa'agaoioiga o ia komipiuta.

Maga 3. Aso e taualoga ai.

O lenei tulafono e taualoga i le taimi lava e pasia ai e le Fono ma fa'amaonia e le Kovana ona o le mana'o vave ina ia fa'atau loa ma fa'agaoioia le so'otaga o komipiuta a le Kolisi (ASCC) ina ia mafai ai ona maua auaunaga taua mo le mamalu lautele, o nisi o tamaiti a'oga, o faia'oga ma le pulega o le Kolisi.


LOLO M. MOLIGA
Peresetene, Maota Maualuga


SAVALI TALAVOU ALE
Fofoga Fetalai, Maota o Sui

Hereby Approved this 28th day of February 2011

Governor Of American Samoa